

مستطابق

مطبعه در محل اداره :

جغال اوغلنده امنیت
صندوخی جوارنده
شکول یقوشنده
۲۰ نومبر

اضطار :

مسلکمه موافق آثار
جدیه مع المنونیه
قبول اولنور
درج ایدلهین آثار اعاده اولنماز

دیه ، فلسفه ، علوم ، حقوق ، ادبیات تاریخ ، سیاستنامه و بالخاصه احوال دشتونه اسلامیه در بحث ایدر هفته ده بر نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۱۳۲۴

در سعادتده نسخہ سی ۵۰ پاره در

قیرلہ دن مقوا بورو ایله کوندربلیرسه سنوی
۲۰ غروش فضله آلنیر

سنه لکی	التی آیلنی	غروش
۶۵	۳۵	۳۰
۶۵	۳۰	۲۰
۱۷	۹	فرانق

عدد : ۱۴۷

۳ رجب الفرد ۱۳۲۹ پنجشنبه ۱۶ حریران ۱۳۲۷

آلتنجی جلد

حسب حال

« نه کلندن خبرم وار ؟ نه کیدندن خبرم ؛

سرسری کونه کللدن ری سرسم کزرم !

دین ، شو حاله کوره یالکز بزم دکل ، جناب حق حسابندن
بیله خارجدہ قائمنی لازم کلن آواره لری بحثه قائمیه حق اولورسه ق
مملکت مزده ایکی صنف خلق کورورز :

« نه وارسه شرقده واردر . غربه طوغری آچیلان پنجره لری
قابامالی یز . » دینلر .

« نه وارسه غربده واردر . حریم عالمی بیله غربیلره
آچیق بولوندرمالی یز . » ادعاسنه قدر وارانلر .

ای اما بونک اورتہ سی یوقی ؟ دییه جکسکیز . اوت وار . لکن
او قدر آزکه بربرینه نیزن باقیشیله باقان شو ایکی جماعتک آره سنده
هیچ بر موجودیت کوسترمیه جکی ایچون بونلری ده ایستر ایستہ مزه
در جنک اول سورینک خارجدہ برافیلان بیچاره لره الحاق ایدہ جکیز .
بکا اویله کلپورکه نه وارسه شرقده واردر ، دینلر یالکز غربی
دکل ، شرقی ده بیلیمورلر ؛ نه کیم نه وارسه غربده واردر دعواسنی
ایلری سورنلر یالکز شرقی دکل ، غربی ده طانیامورلر .

مثلا غرب فلسفه سیله اوغراشیور کورینن بر آدمه دیسه کزکه :
یا هو ! آزیجق ده بزم شرقه عائد فلسفه مزی تدقیق ایتسه کز . .

امین اولیکیز شو جوابی آله جکسکیز :

« آمان جانم ! هیچ شرقده مباحث فلسفیه یی هضم ایدہ جک
آدم کلشمیدر ؟

« نیچون افندیم ؟ کلامه ، تصوفه عائد بوقر آثار وار . اونلرک
حقندہ نه بویوره جکسکیز ؟

— کلام دیدیکیز تؤولوزی اوله حق که باشند باشه سفسطه در !
تصفیه کلنجه بوده صرف پانته نیزم در ، باشقه بر شی دکلدر . حال بوکه
پانته نیزم بوکون بطلانی آکلاشلمش بر مسلک فلسفیدر .

— شو مسلک فلسفی حقندہ آزیجق ایضاحات لطف ایدر میسکیز ؟

— هیچ افندیم ، ایشته معلوم اولان وحدت وجود !

— چوق شی ! بی کلرجه متفکر دماغی عمر لرجه اشغال ایدن
مسائل غامضه بویله « وحدت وجود » ترکیبیه خلاصه ایدیلنجه ایشک
ایچنلر دن حقیقلمش می اولیور ؟ رجا ایدرم سز تصوفه دائر بر اثر
وقودیکیزی ؟

— لزوم کورمدم . چونکه تصوفک دیدیکیم کبی پانته نیزم
اولدیننی ایشتمش ایدم .

— پک اعلا ! تصوفک پانته نیزمه پک بکزه دیکنی ، حتی اونک
عینی اولدیننی قبول ایدلم . عجبا پانته نیزم مسلککنک احتوا ایتدیک
مسائل ایچنده هیچ حقیقه یا قلاشلمش اولانی یوقیدر ؟ اونی تدقیق
ایتدیکیزی ؟

— خیر افندیم اونی ده تدقیقه لزوم کورمدم .

— انصاف ایدیکیز تصوف ساچه در چونکه پانته نیزمک عیندر .
دیمک ایچون هر ایکسنی آری آری تدقیق ایتش اولمکیز لازم
کلزمیدی ؟

— حاجتی وار ؟ بوقدر آدم تدقیق ایتش ، بزم دیدیکیمی
سویلیور .

— صاقین اولدرده سزک کبی تدقیق ایتش اولماسیلر ! هم سز
باشقه لرینک قناسیله می دوشونیورسکیز ؟ عمرنده بقلوا یوزی کورمه یین
فقط جری بشنک قیزی یکن کورن دایسنندن ققلا بو طاتلینک

لذت نه ایمان ایدن چنکانه قاریسی کبی سزده کندی ذاته کزی تعطیل
ایده جک ده اوته کینک بریکنک ذوقنه می دلال اوله جقسکز ؟

چکنده شوکا یاقین بر وقعه بنمده باشمندن کچدی . ایکی کشی
اوطورمش قونوشیوردق . بحث مثنوی به انتقال ایتدی . بن حضرت
مولانا ناکه غامض ، اک مجرده سائل محسوسات دائره سینه ایندیرمکنده کی
قدرت نه حیران اولدینمی ؛ او کتاب معظمک مطلقا باشند باشه اوقو-
نمسی لازم کله جکنی ایلری سورنجه ارقداشم دیدی که :
— حضرت مولانا هند فلسفه سنک ناقیلدر .

— مثنوی بی اوقودیکز می ؟

— خایر .

— هند فلسفه سی نه در ، اونی بیلیورمیسکز ؟

— خایر .

— او حالد بویه بر ادعایه نه جراتله قیام ایدیورسکز ؟

— او یله ایشیتدم .

کورپورسکز بزده کی حالی یا ! قوجه بر فلسفه ، قوجه بر کتاب ،
قوجه بر کائنات ایکی سوزله دوریلیوریور !

دمیندن بری جان صیقه حق ، آتیدن بزی بوسوتون نومیدایده جک
بر چوق سوزلر سویلدک . بر آزده ای طرفی کوره لم . اللهه چوق
شکرلر اولسون که حالا ایچمزده افراطه ، تفریطه قایلیمایه رق حقیقه
اعتدال یولندن وارمق ایچون اوغراشان قفاری اکسیک ایتیمور .
ایشته فریدک دینی ، فلسفی مصاحبه لری او یله بر قفا محصولیدر . مؤلفک
دیدیکی کبی « قمر نایابی ابدیتله منتهی اولان غیسای الحادک کنارنده
دولاشمق ایستین قلوب متردده به عاقبتک وخامتتی کوسترمک مقصدیله ،
یازیلان بو اثر بزه بر چوق حقائق عالییه کی بلیغ ، اک واضح بر لسان
ایله آکلا تمقده اولدینی کبی دمنیکی افراطله ، تفریطله پک کوزل
بر نهایت ویریور .

ایشته هم شرقی ، هم غربی طانیان ؛ هم خیامی ، هم شوپنهاوری
اوقویان ؛ هم محی الدینی ، هم اسپینوزایی تدقیق ایدن ، مولانایه عاشق
اولدینی قدر هند فلسفه سنده کی حقیقه لری ده حرز جان ایدینن حضرت
فرید امدادیمز یتمش اولماسه یدی کیم بیلیر بز بو بحث الیمی دهانه قدر
اوزاده جقدق !

فریدی صراط مستقیم قارئینه طانمق حاصلی تحصیل اوله جنی
کبی اثری حقنده سوز سویله مکده بنم قدرتمک پک فوقنده در . معافیله
ازلدن بری ادبیات آواره سی اولدینم ایچون شو پارچه لری بر ده
اوقومادن کچمه جکم :

« مطیة خیالی ساحة لاتناهی به طوغری سوق ایتدم . منزل
آلمايه ، نشوولی نشوولی تک وتاز ایتمه به باشلادی . لیکن مرحله
اولاده دیزلرنده قوت قللادی . امان بو بنم جولان ایده جکم ساحة
دکل ، دونه یم دیدی . بر از ده ایدم . زار زور بر از ده ایدم .

کیتدی فقط بر از ده ایدم . اولورسهم هلاک محققدر . دییه
فریاد ایدیورزدی . یالوارماسنه طابانه مادم . اریله ایسه دون ، حالکی
حدیکی بیلده دائره ک داخلنده جولان ایت دیدم . پرلر زه خشیت
یرینه چکلدی . فقط حالا تیریل تیریل تیریلور ؛ حالا ناصیه سنندن
طولو دانه لری کبی ترلر دوکیور ایدی .

اونی اوراده بر اقدم ، افقه طوغری توجیه نکه ایتدم . قمر
دامن افقندن نازان وخرامان کورونمه به باشلادی . اوچوق ضیاسی
ساحة سایه بر رنگ حزن آکین ویریور ایدی ، اک یقین اولان
همسایه سماویمک چهره سنده کرد کدورت کبی طوران کلفلر کیتدکجه
نظر مده خطوط ابتسام شکلی آلدی . قمرک بو ابتسام لطیفی کولکده
سرایت ایتدی .

خطیب نو بهار بدایع ربیبی نغمه صورتنه تمثیل ایله سامعه لره
حصه حیقارمایه ، روحی او نقطه دن ده متأثر ایتمه به باشلادی . روحم
اونک سویلدیکی شیلری اکلادی . ایکیسی بر برینه آشنا چقیدی .
آرده بن بیکانه قالدیم .

صومه توجیه نکه ایله دکیزه باقدم . طانی طانی اوپیور
ایدی . فقط او صروده اسمیه باشلایان کنج ، یاراماز بر روزگار ،
کوندوزین اضطراب تعب انکیزندن بورغون دوشمش ، او یورغونلقه
درین براویقویه طالمش اولان اوصفحه نورمواج ایله اویناشمق ایچون
اونی اویندیرمایه چالیشیوردی . دکر روزکارک عشوه شبابی آکیران
ازعاجات متوالیه سننه بر قنور لاقیدی ایله مقابله ایتدکجه او یاراماز
جوجوق یینه راحت طورمیور ، یینه اونک اوته سنی ، بریسنی
غیجیقلا یور ایدی . نهایت اویندیردی ، اویقوسنی قاپیردی . ملاعبه به ،
ملاطفه به باشلادیلر . یاراماز جوجوق اونک یا ناغنه خفیفجه طوقونوب
قاجار ، اوده بر طور رخاوت نما ایله الی قالدیروب آرقه سنندن
عنولر سرپر ایدی . لطیفه لر کیتدکجه شدت کسب ایتمه به ، سکوت
ایله باشلایان بو ملاطفات آره سننده سسلر ایشیدیلیمه به باشلادی .
روزکارک سسی قهقهه شبابی ، دکیزه صداسی ده خفیف بر نوحه
استکائی ، اکترابی آکیری ییوردی . نه ایسه سسلر پک اوقدر
یوکلمندی . ره زکار قالدی ؛ دکیزه تکرار خواب نوشینه طالدی .
آفاقده تجلی ایدن بوجالاتی کوردکجه بنده نشوولمه به باشلادم .
کندی کنده دیدم که : اوخ نه ائلا ! فلکک شو باد هوا صفاسندن
براز مستفید اوله یم . در حال بر لسان غیب سماوی بکاشوسوزلری سویلدی :
باد هوا دیدیکک صفا هانکیسی ؟ او صفانک حصولنه بادی اولان
شو لوحه غراسلسله اعدادنده میلیونلر واحد حکمنده قالان ادوار
تقلباتک محصور مساعیسیدر ، »

« اودن چقیدینم انشاده هیچ قبرستانه کیتمک نیتنده دکل
ایدم . مکر نیتک اورایه کیتمه ک تأثیری بوقایمش ! بنی اورایه کوتورن
غیر ارادی خطوه لر کویا بکا بو حقیقتی اخطار ایدیور ایدی .
اطراف ، باقدم های هوی حیات باشلامق اوزره ایدی . فقط محله امواتده
حکمه فرما اولان سکون عمیق خارجک دغدغه سنندن قطعا متأثر دکل

برمنطوق فرمان الهی [۳] ولیمه جمعیتنه مباشرت و لازم الحضور اولان ذوات کرام دعوت بویوریلدی. مدعوین؛ بعدالطعام مصاحبه قویولدیله؛ صحبت اوزادی. حالبوکه آرتق داغلمق زمانی کیش و بلکه کچکشدی. ذات حضرت رسالت پناهی «علیه الصلاة والسلام» طیشاری به چیقیدیلر؛ بر آرزو کرما مسافرلرده عودت ایتیدیلر. دولتیخانه لرنده کیمسه قالمدیغنی خادم بختیارلری حضرت انس کلوب خبر ویردی. معاودت بویوردیلر. انس ده کیرمک اوزره ایکن پرده چکیلدی. خارجه قالدی. ایسته او دقیقه ده

«آیه حجاب»

شرف افزای نزول اولمشدی.

«واذا سألتموهن متاعاً فاسألوهن من وراء حجاب»

— سورة جلیله احزاب —

[آرتق نی محترمک ازواج طاهراتی حریم خاص الخاصنه دخولدن ممنوعسکز. فیما بعد مشارالین حضراتندن بر شی طابنده بولوندیغکز وقت پرده آرقه سندن ایستیکز!]

«ذلکم اطهر لقلوبکم وقلوبهن»

نه قدر افتخار ایشتمینه آزدرد. بختیارم یا رسول الله! سایه زوجیتکزه لپک بختیارم!

جناب مادر مؤمنین انوار علویتندن، مکارم اخلاقدن مخلوق بر وجود قدسیت ایدیلر. سخاوتلری او درجه ده ایدی. که مبارک اللرینه مال دنیادن نه کچسه درحال ایتمه، ارامله، مقاعده تصدق بویوریلدی. یتیمک، طول قادینلرک اشک سفالتلری دیندیرمک، انلری سهویندیرمک، کیدیروب قوشاعق ذوق حیاتلری، ایتسام قلیلری، تزه و جدانلری، غدای روحلری ایدی. علیه الصلاة والسلام افندیغ حضرتلرینک ازواج طاهراتلرینه خطاباً شرف ابراد بویوردقلری:

«اسرعنک لحاقی اطوکن یداً»

[وقامدن سوکرا سزدن، بکا اک اول قاووشاجق اک سخیکزدرد] حدیث شریفک سرینه مشارالیه مظهر دوشمشلردرد. «رضی الله عنها» - الاصابة للعقلاقی -

[۴] عشرة مبشره دن عبدالرحمن بن عوف (رضی الله عنه) حضرتلری دیور، که: وقتاً، که مکة مکرمه دن مدینه منوره به هجرت ایتدک. جناب سلطان المهاجرین (علیه الصلاة والسلام) افندیغ حضرتلری بنمکه سعید بن الربیع آره سنده تأسیس مواخاة بویوردیلر. ایکیم آخرت قارده شی اولدق. برادریم سعید دیدی، که: بن انصارک اک زنکیملرندنم؛ مالک یاریسی سنک. مالک مبارک اولسون؛ سن بکا چالیشوب آلتک تريله قازانه جق برایش یری کوستر دیدیم. بکا، سوق قینقاعی ارانه ایتدی. برقاچ کون چالیشوب برآز باره قازاندقن سوکرا نهواندم. متعطر اولدینم حالده حضور هایون رسالت پناهی به کلدیم. - نهواندکمی یا عبدالرحمن؟ - نهوت. آتام بابام یولکزه فدا اولسون، ولی النعمت کائنات افندیغ! - کیملردن؟ ... - اخوان انصاردن، افندیغ! - مهری نه قدر؟ - بر چکیردک آلتون؛ افندیغ! - «اولم ولویشاة یعنی: ولیمه طعای یاپ! ولو بر قویونله اولسون. - بخاری: کتاب البیوع. شو حدیث شریف منطوق منیفنجه ائمه محدثیندن بعضیسی ولیمه طعمانک وجوبنه ذاهب اولمشلر. (اولم) امر عالیسی فرضدر، دیمشله. بعضیسی ده امری ندبه، بر قسمی ده استحبابه حمل ایتمشله. ولیمه طعمانک وقتنده ده اختلاف اولونمش. کیکی نکاحک عقدی کوننده کشیده اولونمیلدر. کیکی ده زفاف کیجه سنده ویریلدی در واک آزدن بر قویون کسمیلدر دیمشله. امام خطابی دیور، که: قویون کسمکدن عاجز اولانه وبال یوقدر. - عمدة القاری: شرح البخاری -

ایدی، کونش طوغدی. بوتون موجودات اوپاندی، لکن فراش واپسیننده یاتانلرک میعاد استیقاظنه کیم بیایر دهانه قدر زمان وار ایدی! انلرک یدای صامتلی کونشک طلوعندن بی خبر ایدی. هر پرده کوندوز کیجه بی تعقیب ایدیور. فقط انلرک کیجه سی کوندوزه منتهی اولقسزین بر سیاق اوزره کیدیور ایدی. آه مدیشکلنده آسمانه سرچکن سیاه، کشف سرورل خفیف بر روزگارک تماسیله باشلری آغیر آغیر ایکی طرفه صاللاقمده، کویا اعماق مقابردن آلدقلری پیام آخرتی حزن و وحشته ممزوج بر ادا وصال ایله کوش عبرته ایصال ایتمکده ایدی

مصاحبه لرده بوکا بکزر بر جوق شعرلر ده وارکه هپسینک آلسدن مؤلف بیکلرجه حقائق فلسفیه چیقاریور. بن بوراده اولنری نقله قالدیشمایه جقم. انجق حضرت فریددن بزه بوبله بویوک بویوک بر جوق اثرلر ده یازمسنی نیاز ایدهرک سونه نهایت ویره جکم.

محمد عاکف

مدنیت اسلامیهدن بر صحیفه

یاخود

نسنسوانه

— مابعد —

هجرت سنیه نک اوچنجی - ویاخود، علی روایه، بشنجی - سنه دوریه سی ادراک اولونمشدی.

امهات مؤمنین دن «زینب بنت جحش رضی الله عنها» والده من

«زوجنا کها!»

— سورة جلیله احزاب —

تبشیر السیدسیله جناب اجل الرسل «علیه الصلاة والسلام» افندیغ حضرتلرینک دست قدسیت پیوست ازدواجلرینی تقیل ایتک شرف جهان بهاسیله بختیار اولیوردی. [۲]

[۲] مشارالیه حضرتلری عمه محترمه رسول الله جناب امیه رضی الله تعالی عنها حضرتلرینک کریمه لری ونور دینه لریدر. حضرت امیه جناب عبدالطلب «علیه السلام» حضرتلرینک اوچنجی کریمه لریدر.

جناب زینب بنت جحش «رضی الله عنها» نک ذات هایون رسالت پناه اعظمیلرینه تزویج بویوردیغنی مبشر آیت جلیله شرف بخش نزول اولوب ده علیه الصلاة والسلام افندیغ حضرتلری مؤده ورله تبلیغ ایدیجه حضرت زینب بر رعشه مساره طولمش ودرحال سجده شکران وحمدته قیامش.

اهل بیت رسول کبریا اولاق کبی بر نعمت عظمايه، بر سعادت بی بهایه نائلیت!... هم لسان حقدن نائلیت!...

جناب زینب، علیه الصلاة والسلام افندیغ حضرتلرینه دیمش، که اسیریکز زینب، دیگر ازواج طاهراتکز کبی دکلدرد. انک مهر اقبال واجلالی یک عالی، یک مستثنای بر برج لاهوتیدن شعله پاش طلوع اولدی. زینبک سوکیلی اورناقلرینی ذات هایونلرینه ولیلری تزویج ایتدیلر. فقط ایسته جناب حق بویوریور، که:

«زوجنا کها!»

«زینب ی بز سکا تزویج ایتدک!» بوامثالز التفات الهی ایله - طوغریسی -